

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
Uprava policije
SEKTOR KRIMINALISTIČKE POLICIJE
SARAJEVO

Broj: 02/3-7772/2018

Dana. 02.08.2018. godine

UPRAVA POLICIJE
Policijskom komesaru

PREDMET: MEMIĆ DŽENAN, informacija, - d o s t a v l j a s e-

U prilogu akta dostavljamo Vam informaciju sačinjenu povodom izvršenog uvida u cjelokupan operativni materijal - spis Memić Dženana, koji se nalazi u posjedu Sektora kriminalističke policije - Odjeljenja za krvne, seksualne delikte i ratne zločine, deponovane u kasi lociranoj u kancelariji načelnika navedenog odjeljenja.

Pregledom navedenog materijala nisam uočio činjenice koje bi ukazivale na postupanje koje bi predstavljale kršenje procedure i propisa.

NAČELNIK SEKTORA
Glavni inspektor

Miloyad Bašić



INFORMACIJA

Sačinjena dana 25.07.2018.godine na okolnosti preduzetih mjera i radnji policijskih službenika Odjeljenja za saobraćajne istrage, Sektora uniformisane policije i policijskih službenika Odsijeka za krvne, seksualne delikte i ratne zločine Sektora kriminalističke policije, Uprave policije MUP-a Kantona Sarajevo, u vezi stradanja lica Memić Dženana od dana 08.02.2016.godine oko 22,30 sati, ulice Velika Aleja do broja 4, općina Ilidža

Dana 08.02.2016.godine od strane rukovodioca smjene Jedinice za saobraćaj, obavješteni su policijski službenici Odsjeka za saobraćajne istrage da se na kolovozu ulice Velika Aleja do broja 4, općina Ilidža dogodila saobraćajna nezgoda u kojoj su dva lica povrijeđena, a koji su zatečeni od strane policijskih službenika Direkcije za koordinaciju policijskih tijela BiH.

Nakon prijave da je došlo do saobraćajne nezgode, prvi na lice mjesta su izašli policijski službenici PS Ilidža i isto obezbjedili.

Povrijeđeni su sa lica mjesta vozilom Zavoda za hitnu medicinsku pomoć Kantona Sarajevo prevezeni u UKC Sarajevo, gdje je konstatovano da je teške tjelesne povrede opasne po život zadobio pješak Memić Dženan, sin Muriza, rođen 11.08.1994.godine, dok je lakše tjelesne povrede zadobila pješak Mutap Alisa, kći Zijada, rođena 13.05.1996.godine.

O naprijed navedenom je obavješten dežurni tužilac Kantonalnog tužilaštva Kantona Sarajevo, Čato Meris, koji je izašao na lice mjesta i rukovodio uviđajem. Uviđaj na licu mjesta su izvršili dežurni tužilac, istražitelj za saobraćajne istrage Škrijelj Sefedin i kriminalistički tehničar Mešić Senad. Lice mjesta je kriminalističko tehnički obrađeno, skicirano, fotografisano i snimljeno video kamerom, o čemu je sačinjen zapisnik o uviđaju, izvještaj o kriminalističko-tehničkoj pretrazi lica mjesta, crtež lica mjesta, fotodokumentacija i video zapis. Uviđajnim radnjama na licu mjesta je utvrđeno da su na istom pronađeni i označeni tragovi i to pet komada stakla, jedna komad NN materije zelene boje i tragovi crvene boje koji asociraju na krv.

Prilikom ukazivanja ljekarske pomoći od pješaka Memić Dženana i Mutap Alise su uzeti uzorci krvi radi analize na eventualno prisustvo alkohola, gdje nakon izvršene analize od strane J.U. "Zavoda za zdravstvenu zaštitu zaposlenika MUP-a Kantona Sarajevo" nije utvrđeno prisustvo alkohola u krvi kod imenovanih.

U UKC Sarajevo u unutrašnjem džepu jakne koja je skinuta sa povrijeđenog Memić Dženana je pronađen pištolj marke "ČZ" 6,35 mm, serijskog broja B569053, sa sandukom za municiju u kome se nalazilo 3 komada municije kalibra 6,35 mm, a koji su po usmenoj naredbi tužioca Čato Merisa, zajedno sa garderobom koja je pripadala povrijeđenim Memić Dženanu i Mutap Alisi izuzeti i deponovani u Odsjek kriminalističke tehnike i forenzike radi potrebnih vještačenja, o čemu je sačinjena službena zabilješka.

U prostorijama UKC Sarajevo od strane policijskog službenika Barić Josipa je obavljen razgovor sa pješakom Mutap Alisom, o čemu je sačinjena službena zabilješka.

Dana 09.02.2016.godine u 09,00 sati na lokalitet ulice Velika Aleja su upućeni policijski službenici Jedinice za saobraćaj Muslić Midhat i Kurić Enes, a u vezi prikupljanja operativnih saznanja vezanih za navedenu saobraćajnu nezgodu, o čemu je sačinjena službena zabilješka, a koja je aktom broj 02/1-4-1-04-31-41/16 zajedno sa do tada prikupljenim operativnim materijalom dana 11.02.2016.godine dostavljena KT Sarajevo na dalje postupanje.

Dana 09.02.2016.godine od strane policijskih službenika Odsjeka za saobraćajne istrage je sudiji za prethodni postupak Općinskog suda u Sarajevu uz prethodnu saglasnost dežurnog tužioca, podnesen zahtjev za izdavanje naredbe za privremeno oduzimanje predmeta-video zapisa sa nadzorne kamere postavljene na objekat Rezidencije Kuvajtske Ambasade, u ulici Velika Aleja broj 1, općina Ilidža, kao i kuću vlasništvo Konjević Šerifa, koja se nalazi u ulici Jasike broj 2, općina Ilidža, sa pretpostavkom da bi video zapisi sa nadzornih kamera mogli poslužiti kao dokaz u krivičnom postupku. S tim u vezi, sudija za prethodni postupak Općinskog suda u Sarajevu Todorović Igor je izdao naredbu broj 65 0 K 554679 16 Kpp od 10.02.2016.godine i dostavio Odsjeku za saobraćajne istrage. Postupajući po uputama tužioca KTKS Čato Merisa, predmetna naredba nije realizovana, te je dana 24.02.2016.godine vraćena sudiji za prethodni postupak Općinskog suda u Sarajevu Todorović Igoru, obzirom da je cjelokupan spis prenesen iz nadležnosti Općinskog suda u Sarajevu u nadležnost Kantonalnog suda u Sarajevu.

U cilju rasvjetljavanja svih okolnosti povrijeđivanja gore imenovanih lica dežurni tužilac je naložio da se identificiraju objekti koji se nalaze u neposrednoj blizini lica mjesta, a na kojima su postavljeni video nadzorni sustavi, te da se izvrše provjere za lice Ploskić Mirza i vozilo koje imenovani posjeduju, te da se utvrdi gdje se imenovani kritične prilike kretao.

Dana 09.02.2016. godine, policijski službenici Odsjeka za saobraćajne istrage su obavili i razgovor sa Mutap Alisom na okolnosti događaja u kojem su tjelesne povrede zadobili imenovana i Memić Dženan kojom prilikom imenovana nije mogla dati korisne podatke, te je navela da je do povrijeđivanja najvjerovatnije došlo udarom vozila koje im je dolazilo iza leđa.

Dana 10.02.2016.godine, u službenim prostorijama Jedinice za saobraćaj MUP-a KS je saslušana Mutap Alisa na okolnosti događaja od dana 08.02.2016. godine, kojom prilikom je imenovana navela da je kritične prilike u ulicu Velika Aleja došla sa Memić Dženanom, njegovim vozilom koje je imenovani parkirao u blizini objekta Časa Grande nakon čega su izašli iz vozila i uputili se pješaćeci navedenom ulicom u pravcu Vrela Bosne, krećući se desnom stranom kolovoza, te da se ne sjeća bilo kakvog kretanja vozila ili drugih lica u neposrednoj blizini, ali da je u ranijem periodu u više navrata zaprimila SMS- ove uznemirujućeg sadržaja od strane Ploskić Mirze, s kojom je u ranijem periodu bila u vezi a da je uznemirujuće SMS- ove od imenovanog primao i povrijeđeni Memić Dženan, kao i to da je nekoliko dana prije kritičnog događaja dok se nalazila u Dženanovom društvu u jednom ugostiteljskom objektu općiranom u Ilidži susrela Ploskić Mirzu, koji je njoj i Memić Dženanu u više navrata uputio riječi: "Čuvaj te se ili Čuvaj je".

Dana 11.02.2016. godine u službenim prostorijama Jedinice za saobraćaj MUP-a KS na okolnosti uočavanja povrijeđenih osoba i obavještanja MUP-a KS o istim saslušani su u svojstvu svjedoka pripadnici Direkcije za koordinaciju policijskih tijela BiH Hrvat Nedžad i Veljović Nebojša o čemu su sačinjeni zapisnici.

O svim naprijed navedenim činjenicama obaviješten je postupajući tužilac Čato Meris, koji je policijskim službenicima Jedinice za saobraćaj naložio da dana 11.02.2016.godine, svjedokinju Mutap Alisu dovedu u prostorije Kantonalnog tužilaštva Kantona Sarajevo, a putem telefona zatražio prisustvo policijskih službenika Odsjeka za krvne seksualne delikte i ratne zločine Odjeljenja za opći kriminal, koji su prisustvovali saslušanju svjedoka u prostorijama Kantonalnog tužilaštva Kantona Sarajevo, a potom po usmenom nalogu imenovanog tužioca, u cilju rasvjetljavanja okolnosti pod kojima je došlo do povrijeđivanja imenovanih lica, policijski službenici Odjeljenja za opći kriminal su upućeni na Odjeljenje intenzivne njege Klinike za neurohirurgiju, kojom prilikom se od dežurnog doktora došlo do podataka da Memić Dženan osim povreda s lijeve strane lobanje i lica, na tijelu ima i povrede u vidu ekskoracije kože koljena, te mali hematom u predjelu grudnog koša, o čemu je obaviješten postupajući tužilac Čato Meris.

Nakon primljene obavijesti postupajući tužilac je a sve u cilju rasvjetljavanja okolnosti pod kojima je Memić Dženan zadobio tjelesne povrede opasne po život, izjavio da će sljedećeg dana sudsko-medicinskom vještaku izdati naredbu da izvrši uvid u medicinsku dokumentaciju povrijeđenog i da se izjasni o mehanizmu nastanka povreda, a s obzirom na činjenicu da je u tom trenutku raspolagao operativnim saznanjima da je Memić Dženan tjelesne povrede zadobio tokom fizičkog napada tupim predmetom a ne dejstvom vozila u pokretu, te da će nakon toga izjasniti o kvalifikaciji događaja.

Dana 13.02.2016. godine, pripadnici jedinice za saobraćaj MUP Kantona Sarajevo poduzimajući mjere i radnje iz svoje nadležnosti, identifikovali su i locirali motorno vozilo marke Renalut Clio, reg.oznaka Renault reg.oznaka E37-K-533, zelena boje, koje je u proteklih mjesec dana koristio Ploskić Mirza, a koje je nakon obavještavanja dežurnog tužitelja prebačeno u prostorije auto servisa MUP-a Kantona Sarajevo. Dežurni tužilac Kantonalnog tužilaštva Kantona Sarajevo, Fetahagić Feđa, je nakon ostvarenih kontakata sa postupajućim tužiteljem u predmetu, Čato Merisom, zatražio i prisustvo dežurnih službenika Odsjeka za krvne seksualne i ratne zločine, o čemu je obavijestio Operativno komunikacijski centar MUP-a Kantona Sarajevo, nakon čega je u navedenom prostoru u prisustvu istražitelja Odsjeka za saobraćajne istrage i dežurnih istražitelja Odsjeka za krvne seksualne i ratne zločine MUP-a Kantona Sarajevo, vještaka saobraćajne struke, krim teničara MUP-a Kantona Sarajevo, obavljen pregled predmetnog vozila, kojom prilikom su uočene promjene u predjelu prednjeg desnog svjetla-fara vozila, o čemu su službenici Odsjeka za saobraćajne istrage sačinili zapisnik.

Dana 13.02.2016. godine uz saglasnost dežurnog tužioca KT Sarajevo Feetahagić Feđe, u službenim prostorijama Odsjeka za saobraćajne istrage Jedinice za saobraćaj u svojstvu svjedoka je saslušan Mutap Zijad, otac povrijeđenog pješaka Mutap Alise, o čemu je sačinjen zapisnik. Naprijed navedeni operativni materijal je aktom Sektora uniformisane policije broj 02/1-4-1-04-31-41/16 od 15.02.2016.godine dostavljen u nadležnost Kantonalnom tužilaštvu Kantona Sarajevo.

Dana 15.02.2016. godine, postupajući tužilac u navedenom predmetu Čato Meris, je Sektoru kriminalističke policije, a nakon što je obavješten da je povrijeđeni Memić Dženan od zadobivenih povreda istog dana u ranim jutarnjim satima preminuo u prostorijama Odjeljenja intezivne njege klinike za neurohirurgiju, Odsjeku za krvne, seksualne delikte i ratne zločine MUP-a Kantona Sarajevo, uputio zahtjev za prikupljanje potrebnih informacija s obzirom da sve prikupljene činjenice, ukazuju da je Memić Dženan žrtva krivičnog djela Ubistvo iz člana 166 stav 1 KZ FBiH, a ne obaranja pješaka od strane vozila u pokretu, te je postupano po navedenom zahtjevu koji je Odsjeku za krvne seksualne delikte i ratne zločine dostavljen dana 16.02.2016.godine skupa sa pratećom dokumentacijom.

Dana 16.02.2016. godine, u prostorijama mrtvačnice Gradskog groblja "Bare" u Sarajevu, po naredbi postupajućeg tužioca Kantonalnog tužilaštva Kantona Sarajevo, od strane sudsko-medicinskog vještaka dr. Hamza Žujo, obavljena je obdukcija leša Memić Dženana, kojom prilikom se medicinsko sudski vještak izjasnio da smrtne povrede na tijelu preminulog nisu mogle nastati kao posljedica saobraćajne nezgode, nego da su iste nanesene tupim i tvrdim predmetom, te su s leša, a za potrebe vještačenja, uzeti nesporni uzorci dlaka s glave, krvi i nokti s obje ruke. Policijski službenik Odjeljenja za krim. tehniku, forenziku i KDZ Sektora krim. policije je sačinio fotodokumnetaciju obdukcije, a policijski službenik Odsjeka za krvne, seksualne delikte i ratne zločine službeno zabilješku o prisustvu na obdukciji.

Dana 17.02.2016.godine, od postupajućeg tužioca, na naš zahtjev, izdata je naredba broj T09 0 KTA 0098711 16 od 17.02.2016.godine za krim.tehničku obradu unutrašnjosti putničko motornog vozila marke Renault Clio reg.oznaka E37-K-533, koja je realizovana isti dan, a kojom prilikom nisu pronađeni tragovi biološkog porijekla u vozilu.

Takođe je istog dana, uz suglasnost postupajućeg tužioca Kantonalnog tužilaštva Kantona Sarajevo, Čato Merisa, kontaktiran otac preminulog, Memić Muriz, koji je policijskim službenicima Sektora kriminalističke policije predao mobilni telefon marke Samsung S5, crne boje, sa SIM karticom pozivnog broja 061/294-606, koji je koristio njegov sin, o čemu je sačinjena službena zabilješka i zapisnik o dobrovoljnoj predaji predmeta.

Navedeni mobilni telefon je uz naredbu za pretres, analizu sadržaja i čitanje poruka, kao i drugih dostupnih podataka na mobilnom telefonu, koju je na zahtjev policijskih službenika Odsjeka za krvne, seksualne delikte i ratni zločin, a uz suglasnost postupajućeg tužioca, izdao Kantonalni sud u Sarajevu dana 19.02.2016.godine prosljeđen Centru za forenzičku i informatičku podršku Federalne uprave policije MUP-a FBiH.

Dana 17.02.2016. godine, na zahtjev policijskih službenika Odsjeka za krvne, seksualne delikte i ratni zločin, a uz saglasnost postupajućeg tužioca Čato Merisa, od strane Kantonalnog suda u Sarajevu izdata je Naredba telekom operaterima za dostavljanje svih raspoloživih podataka u vezi brojeva telefona koje su koristili Mutap Alisa, Memić Dženan, kao i Ploskić Mirza.

Dana 17.02.2016.godine, u službene prostorije pozvana su lica koja su identifikovana kao prijatelj preminulog i to: Muzur Hamza, Lučkin Arnel, Memić Ajdin Hamza, Hadžović Ermin, Mujanović Bakir, kojom prilikom su isti saslušani u svojstvu svjedoka.

Dana 18.02.2016.godine, u službene prostorije pozvana su lica Lendo Amer, Đipa Kenan, Fejić Zerina, koji su saslušani u svojstvu svjedoka. Takođe su pozvani Mutap Zijad i njegova kćerka Mutap Alisa, kojom prilikom je Mutap Alisa poligrafski testirana o čemu je sačinjen izvještaj.

Dana 18.02.2016, postupajućem tužitelju je usmeno saopćen zahtjev za izdavanje naredbe za vještačenje tragova prikupljenih na licu mjesta krivičnog djela, koji je više puta ponovljen, nakon čega je isti izdao naredbe za mehaničko vještačenje tragova stakla pronađenih na licu mjesta, te biološko vještačenje odjeće koju su na sebi kritične prilike imali preminuli Memić Dženan i povrijeđena Mutap Alisa.

Dana 18.02.2016. godine, policijski službenici su na adresi stanovanja obavili razgovor sa Memić Murizom, kojom prilikom je isti pozvan da dođe u službene prostorije narednih dana, o čemu je sačinjena službena zabilješka.

Naredni dan, uz suglasnost postupajućeg tužioca Čato Merisa, a radi postojanja osnova sumnje koja je proizilazila iz zapisnika o saslušanju gore pomenutih svjedoka, na pismeni poziv osumnjičenom pozvani su: Ploskić Mirza, Muzur Faris i Bešović Edvin. Isti su poligrafski ispitani, nakon čega su lišeni slobode dana 19.02.2016. godine u 12:00 sati i s kojim je nastavljena dalja kriminalistička obrada. U cilju pronalaska tragova koji mogu biti u vezi sa krivičnim djelom, od osumnjičenog Ploskić Mirze uz saglasnost postupajućeg tužioca privremeno je oduzeta jakna teget plave boje, za šta mu je izdata potvrda, te sačinjen zapisnik o privremenom oduzimanju predmeta, i ista je dostavljena Kantonalnom sudu u Sarajevu.

Takođe istog dana, s obzirom na protok vremena, da je lociranje i pronalazak sredstva izvršenja i drugih bitnih tragova u vezi s krivičnim djelom povezan s velikim teškoćama, odnosno prijeto opasnost da se isti nikada ne pronađu, iz kojih razloga, a zbog opasnosti od odlaganja, je postupajući tužitelj Kantonalnog tužilaštva Kantona Sarajevo Čato Meris, na prijedlog policijskih službenika, oko 20,30 sati putem telefona od dežurnog sudije za prethodni postupak Kantonalnog suda Sarajevo Ružić Jasenka zatražio usmenu naredbu za provođenje posebne istražne radnje iz člana 130. stav 2. tačka c)-Nadzor i tehničko snimanje prostorija prema gore imenovanim osumnjičenim osobama, kojim se može pribaviti korisno saznanje u vezi s traženim predmetima i tragovima, radi čega je dežurni sudija za prethodni postupak Ružić Jasenko izdao usmenu naredbu za provođenje tražene posebne istražne radnje u prostorijama Odsjeka za zadržavanje osoba lišenih slobode MUP-a Kantona Sarajevo-čelije broj 3, 4 i 5, a koje su locirane u Ulici Zmajca od Bosne broj 15, Općina Novo Sarajevo.

Nakon dobivene usmene naredbe sudije za prethodni postupak Kantonalnog suda Sarajevo, zatražena je tehnička pomoć OSA-e BiH, te su instalirani uređaji za nadzor i tehničko snimanje prostorija u ćelijama broj 3, 4 i 5 Odsjeka za zadržavanje osoba lišenih slobode MUP-a Kantona Sarajevo, locirane u Ulici Zmaja od Bosne broj 15 Općina Novo Sarajevo-prizemlje objekta Druge policijske uprave MUP-a Kantona Sarajevo, te su potom u navedene ćelije smještene interesantna za istragu osumnjičena lica i to u ćeliju broj 3 Bešović Edvin, u ćeliju broj 4 Ploskić Mirza i u ćeliju broj 5 Muzur Faris, o čemu je sačinjen izvještaj, koji je skupa sa snimljenim materijalom dostavljen Kantonalnom tužilaštvu Kantona Sarajevo.

Dana 20.02.2016.godine, u 12:00 sati, po usmenoj naredbi potpajućeg tužitelja Čato Merisa, a nakon što je u službenim prostorijama preuzeo kopiju prikupljenog materijala i obavio konsultacije na Kantonalnom tužilaštvu, lica lišena slobode su uz zapisnik otpuštena iz službenih prostorija ovog ministarstva.

U narednom periodu pozvano je i saslušano više lica u cilju provjere izjava koje su na zapisnik o ispitivanju osumnjičenih dali lica lišena slobode.

U cilju rasvjetljavanja svih okolnosti naprijed navedenog dodaja, te identifikacije osumnjičenih osoba i eventualnih svjedoka, policijski službenici Odsjeka su pregledali zapise videonadzornih sistema instaliranih na objektima lociranim u neposrednoj blizini lica mjesta, kao i objektima koji se nalaze na putevima koje je izvršilac mogao koristiti prilikom dolaska odnosno napuštanja lica mjesta. Pregledom navedenih snimaka uočeno je kretanje nekoliko motornih vozila, čiji prolazak se može vezati za vrijeme izvršenja krivičnog djela, o čemu je sačinjeno više službenih zabilješki, naročito u vezi provjera za m/v marke VW tip T4.

Također je ovom prilikom utvrđeno da je dio videozapisa koji se odnosi na kritično vrijeme, videonadzornog sustava na objektu hotela Kristal, izbrisan, nakon čega je zatražena usmena naredba sudije za prethodni postupak Kantonalnog suda Sarajevo za oduzimanje centralne jedinice koja bilježi videozapise, te je ista privremeno oduzeta radi vještačenja i dostavljena Kantonalnom sudu u Sarajevu. Postupajući tužitelj je, na zahtjev policijskih službenika, izdao naredbu za vještačenje iste, a u cilju reparacije videozapisa i utvrđivanja načina brisanja istog. U svojstvu svjedoka, a nakon poligrafskog testiranja, saslušan je i Šećibović Tarik, uposlenik hotela Kristal, koji je poslove recepcionera obavljao tokom noći 19./20.02.2016. godine, a koji period je preliminarno od strane vještaka označen kao period u kojem su sporni snimci izbrisani.

U cilju prikupljanja potrebnih saznanja i dokaza u vezi s izvršenim krivičnim djelom i izvršiocem istog, policijski službenici Odsjeka su u službene prostorije ponovo pozvali i na okolnosti svih zapažanja na licu mjesta kritične prilike u svojstvu svjedoka saslušali policijske službenike Direkcije za koordinaciju policijskih tijela BiH Hrvat Nedžada i Veljović Nebojšu, kao policijske službenike Odsjeka za saobraćajne istrage Jedinice za saobraćaj MUP-a Kantona Sarajevo Škrijelj Sefedina, koji je bio član uviđajne ekipe na licu mjesta događaja, i Barić Josipa, koji je kritičnog dana u prostorijama KUM-a KCU Sarajevo prikupio saznanja o stepenu povreda, te izuzeo odjeću i nesporne uzorke krvi, koji su dostavljeni Zavodu za zdravstvenu zaštitu radnika MUP-a Kantona Sarajevo, radi vještačenja na prisustvo alkohola, povrijeđenih osoba, o čemu su sačinjeni zapisnici.

Dana 25.02.2016.godine, na naš prijedlog, a uz saglasnost postupajućeg tužioca, uz zahtjev i zapisnik o dobrovoljnoj predaji, od J.U.Dom zdravlja, izuzeta je fco. ljekarskog kartona Mutap Alise, i dostavljena Kantonalnom tužilaštvu Kantona Sarajevo, a u cilju donošenja naredbe za psihološko-psihijatrijsko vještačenje, a koja je uz pratnju policijskih službenika, realizirana 08.03.2016. godine i o čemu je nalaz dostavljen Kantonalnom tužilaštvu Kantona Sarajevo od strane tima psihijatrijsko-psiholoških vještaka.

Dana 29.02.2016.godine, Kantonalnom tužilaštvu Kantona Sarajevo upućen je prijedlog radi podnošenja zahtjeva ka kompaniji "Facebook INC" od strane postupajućeg tužioca s obzirom da se posebnom istražnom radnjom od dana 19/20.02.2016.godine došlo do saznanja da bi se većina komunikacije između osumnjičenih, kao i oštećenih lica odvijala putem Facebook Messenger-a, a u cilju dostave podataka od strane istih o navedenoj komunikaciji, s ciljem prikupljanja korisnih podataka o krivičnom djelu i izvršiocu i identifikaciji lica koja bi mogla dati navedena korisna

saznanja. Također su na zapisnik u svojstvu svjedoka saslušani i Gadžo Admir i Gadžo Asmir, koji su nastanjeni u neposrednoj blizini lica mjesta događaja i koji su se u kritično vrijeme nalazili u stanu koji koriste.

Dana 02.03.2016.godine u službene prostorije Odsjeka za saobraćajne istrage je pristupio policijski službenik Direkcije za koordinaciju policijskih tijela Veljović Nebojša, koji je tom prilikom dobrovoljno predao jedan CD medij na kome se nalazila jedna fotografija povrijeđenog pješaka, koju je on prema izjavi fotografisao dana 08.02.2016.godine u ulici Velika Aleja do broja 4, općina Ilidža.

S obzirom da do 07.03.2016. godine nisu dostavljene naredbe za vještačenje tragova izuzetih s lica mjesta- tragova koji asociraju na krv, vatrenog oružja pištolja, koji je pronađen u odjedi oštećenog Memić Dženana, te bioloških tragova izuzetih s leša Memić Dženana prilikom obdukcije, Kantonalnom tužilaštvu Kantona Sarajevo dostavljen je pismenu zahtjev za dosatvu naredbe za vještačenje navedenih tragova, kao i za izradu nespornog DNA profila Memić Dženana i Mutap Alise, i njihovo upoređivanje s tragovima prikupljenim na licu mjesta tokom uviđaja.

Dana 08.03.2016.godine, ovom Odjeljenju od strane IV PU dostavljena je službena zabilješka i ceduljica do koje je autor došao operativnim radom na terenu, koja je proslijeđena Kantonalno tužilaštvu Kantona Sarajevo, a i usmenim putem je o sadržaju upoznat postupajući tužilac koji je naložio saslušavanje izvora autora zabilješke, kao i vještačenje rukopisa Mutap Zijada, što je i učinjeno nakon čega je sačinjen nalaz vještačenja i zapisnik o saslušanju svjedoka..

Dana 09.03.2016.godine, u 10:30 sati, održan je sastanak u prostorijama Kantonalnog tužilaštva Kantona Sarajevo kojem su prisustvovali : glavna tužiteljica Dalida Burzić, Topalović Aida, Šeila Heljić, Ivana Petković i Čato Meris, te ispred MUP-a KS : komesar Vahid Čosić, načelnik Sekrotra kriminalističke policije Džafer Hrvat, načelnik Odjeljenja za opći kriminal Kremo Sakib, šef Odsjeka za krvne, seksualne delikte i ratne zločine, Nurija Mehić, i istražitelj u Odsjeka za krvne, seksualne delikte i ratne zločine Hasanbegović Sanela, kojom prilikom su dogovorena konkretna postupanja u vezi predmeta ubistva Memić Dženana, te je od strane komesara Vahida Čosić i Džafera Hrvat, stavljen na raspolaganje tim policijskih službenika odnosno svi istražitelji Odsjeka za krvne, seksualne delikte i ratne zločine MUP-a KS, tj. devet istražitelja. Takođe je od strane Kantonalnog tužilaštva naloženo operativno pokrivanje Mutap Alise, a za šta je angažovano 09 policijskih službenika i to 03 policijska službenika iz Kriminalističko obavještajne jedinice: Suljagić Edin, Čengić Nermin i Pintol Senad i 06 policijskih službenika iz Odjeljenja za posebne namjene MUP-a KS: Karaman Bahrudin, Eminović Esad, Dinarević Faruk, Begić Hasan, Džubur Mirza i Oputa Zulfo, kao i da se započne sa realizacijom provođenja posebnih istražnih radnji prema 07 lica. Nakon navedenog od strane Kantonalnog suda u Sarajevu pribavljena je naredba broj broj 09 O K 025844 16 Kpp 15 od 08.03.2016. godine za posebne istražnje radnje prema 07 lica i to: Mutap Alisa, Mutap Zijad, Ploskić Mirza, Muzur Faris, Bešović Edvin, Čurevac Ernad, Agić Ishak a koja je dana 05.05.2016. godine na osnovu naredbe Kantonalnog suda u Sarajevu broj 09 O K 025844 16 Kpp 15 od 05.05.2016. godine produžena za 06 lica i to Mutap Alisa, Mutap Zijad, Ploskić Mirza, Muzur Faris, Bešović Edvin, Čurevac Ernad, a za koju su angažavana tri policijska službenika i to jedan policijski službenik Odjeljenja za opći kriminal, Odsjek za imovinske delikte Arijana Saračević Borčilo i dva policijska službenika Kriminalističko obavještajne jedinice Saler Dragan i Pindžo Mirsad.

Dana 11.03.2016. godine sastanak, u 09:00 sati održan je sastanak u prostorijama Kantonalnog tužilaštva Kantona Sarajevo kojem su prisustvovali : glavna tužiteljica Dalida Burzić, Topalović Aida , Ivana Petković i Čato Meris, te ispred MUP-a KS : načelnik Sekrotra kriminalističke policije Džafer Hrvat, načelnik Odjeljenja za opći kriminal Kremo Sakib, šef Odsjeka za krvne, seksualne delikte i ratne zločine, Nurija Mehić, i istražitelj u Odsjeka za krvne, seksualne delikte i ratne zločine Hasanbegović Sanela, kojom prilikom su dogovorena konkretna postupanja u vezi predmeta ubistva Memić Dženana i to : grafološko vještačenje rukopisa Mutap Zijada, da se saslušaju svjedoci Memić Muriz i Memić Arijana, dopuna izjave svjedoka Muzur Hamze, kao i izvor službene zabilješke u vezi grafološkog vještačenja, te rekonstrukcija događaja nakon nalaza vještačenja tragova s lica mjesta.

Takođe nadležnom sudu dostavljen je zahtjev za izdavanje naredbi za izuzimanje videozapisa sa 7 objekata, nakon čega je sud izdao naredbe koje su realizovane u zakonom predviđenom roku a izuzeti predmeti dostavljeni su sudu na čuvanje.

Dana 04.04.2016. godine, na osnovu naredbe Kantonalnog tužilaštva kantona Sarajevo u ulici Velika Aleja naspram broja 4, obavljena je, u prisustvu tri tužioca Kantonalnog tužilaštva Kantona Sarajevo, službenika Odsjeka za krvne, seksualne delikte i ratne zločine, krim tehnike MUP-a KS, sudko-med. vještaka dr Hamza Žuje, psihologa tužilaštva i Mutap Alise, te svjedoka policijskih službenika Direkcije za koordinaciju policijskih tijela BiH, rekonstrukcija događaja od 08.02.2016. godine kada je došlo do predmetnog krivičnog djela.

Dana 05.04.2016. godine po usmenom naređenju postupajućeg tužioca u službene prostorije su po pozivu pristupili Mutap Alisa, Fejzić Zerina, Ploskić Mirza, Muzur Faris, mldb. Muzur Ammar, Agić Ishak, Bešović Edvin, Čurevac Ernad, Hodžić Benjamin, nakon čega su sa imenovanim obavljani razgovori od strane tužioca kantonalnog tužilaštva i policijskih službenika Odsjeka za krvne, seksualne delikte i ratne zločine, o čemu su sačinjeni zapisnici o saslušanju svjedoka i službene zabilješke.

U službenim prostorijama saslušani su, nakon poligrafskog testiranja, u svojstvu svjedoka recepcioneri Hotela Kristal, Ožegović Muamer, Ruhotina Faruk, Čorić Sanjin, Hanjalić Aida, kao i Budnjo Muamer, generalni direktor hotela Terme Ilidža u sklopu kojeg posluje i hotel Kristal.

U svojstvu svjedoka saslušan je i Gadžo Šučro, koji je u ranijem periodu bio u ljubavnoj vezi s Mutap Alisom, te Mujović Mersudin, koji je prema ostalim izjavama bio prisutan prilikom obraćanja Ploskić Mirze, Memić Dženanu, dana 06.02.2016. godine ispred U.O. "Ba Ba Lu".

Po usmenoj naredbi postupajućeg tužioca od Fejzić Zerine, uz zapisnik o dobrovoljnoj predaji predmeta privremeno je oduzet mobilni telefon marke Nokia C2, koji je u kritičnom periodu koristila Mutap Alisa, te je isti dostavljen Kantonalnom sudu u Sarajevu na čuvanje.

Dana 27.04.2016. godine, postupajući tužilac je zatražio Informaciju o navodima da je Memić Dženan u ranijem periodu ima konflikt sa nekim od članova porodice Zijadić, u koji se navodno umiješao i Memić Muriz, te policijskim službenicima naložio da depeša upućena graničnoj policiji BiH, u vezi sa zadržavanjem Mutap Alisa u slučaju pokušaja prelaska državne granice BiH ostaje na snazi.

Po naredbi postupajućeg tužioca od odgovornih u Hotelu Kristal pribavljeni su podaci o firmi koja je dana 19.02.2016. godine izvodila radove i tom prilikom oštetila kabal za napajanje elek. enrgijom, te je sačinjena službena zabilješka o pregledu zapisa vido nadzora u navednom objektu od dana 19.02.2016. godine od 15,15 do 22.02.2016. godine.

U službenim prostorijama MUP KS saslušani su i konobari u Hotelu Kristal Kukavica Haris i Pašović Esnef.

Također su u svojstvu svjedoka saslušani i medicinski tehničari Kapo Husein i Nuhanović Mirza, koji su bili u mobilnoj ekipi ZZHP Kantona Sarajevo, koja je kritične prilike pružila pomoć i prevezla Mutap Alisu

U svojstvu svjedoka saslušani su i Botulja Hasan, Tahirović Tarik, Omerbegović Enis koji su dana 02.02.2016. godine, imali konflikt sa Memić Ajdinom i ostalim među kojim se nalazio i Memić Dženan.

Saslušani su i svi uposlenici U.O. "Ba Ba Lu".

Također su službenici ovog Odsjeka, nakon dobivenih informacija da je dana 08.02.2016. godine od strane više NN lica narušen JRI-M, na području Općine Ilidži, u neposrednoj blizini lica mjesta događaja, iste identifikovali, utvrdili da se radi o Radončić Anelu, Husinović Erginu, Milošević Aleksandru, Dini Džaferoviću, Reć Semiru i Benjaminu Mednolučaninu. Isti su u službenim prostorijama MUP KS poligrafski testirani, saslušani u svojstvu svjedoka, nakon čega su izvršena pretresanja dva objekta, kojom prilikom su pronađeni predmeti koji bi se mogli dovesti u vezu sa izvršenim krivičnom djelom, oduzeta je odjeća od navedenih lica, a sve je deponovano u Kantonalni sud Sarajevo, radi daljnjih vještačenja.

Dana 03.05.2017.godine je prijavljen mogući neovlašteni ulazak u prostoriju Odjeljenja kriminalističke tehnike i forenzike, prostoriju koju koristi referent za tragove Kereš Zejnil, koji je i prijavio mogući neovlašteni ulazak. U konkretnom slučaju je vještak Bešlija Mirhan izvršio pregled vrata, brave i nosećih baglama, nakon čega je konstatovao da nasilnog i neovlaštenog ulaska u prostoriju nije bilo. Potom je prostorija i zapakovani tragovi pregledani od strane Kereš Zejnila koji je potvrdio da nije bilo pomjeranja i nestanka tragova koje je unio u prostoriju.

Dana 13.05.2016.godine se pismenim zahtjevom Memić Muriz obratio Odsjeku za saobraćajne istrage za dostavu zapisnika o uvidaju i fotodokumentaciju sačinjenu povodom navedene saobraćajne nezgode. Predmetni zahtjev je aktom Sektora uniformisane policije broj 02/1-4-1-04-31-41/16 od 23.05.2016.godine proslijeđen postupajućem tužiocu Čato Merisu, o čemu je obavješten podnosilac zahtjeva. Dana 01.07.2016.godine Muriz Memić je MUP-u Kantona dostavio urgenciju za izdavanje uvidajne dokumentacije, a koja je dana 11.07.2016.godine dostavljena postupajućem tužiocu Čato Merisu na odluku o postupanju, o čemu je putem pošte dana 09.08.2016.godine upućena obavijest podnosiocu zahtjeva Murizu Memić, koja pošiljka se vratila sa napomenom dostavljača-poštošooše "obaviješten".

Dana 16.05.2016. godine u službenim prostorijama MUP-a Kantona Sarajevo, u prisustvu postupajućeg tužitelja Čato Merisa, nakon poligrafskog testiranja, saslušan je svjedok Ploskić Enid, otac Ploskić Mirze, o čemu je sačinjen zapisnik. Svjedok Ploskić Enid je postupajućem tužitelju i policijskim službenicima Odsjeka za krvne, seksualne delikte i ratne zločine, tokom saslušanja, izjavio da je spreman dobrovoljno predati garderobu koju je njegov sin Ploskić Mirza imao na sebi 08.02.2016. godine, kao i sve predmete - ključeve za mijenjanje guma na motornom vozilu i drveno držalo lopate koje je pronašao u putničkom motornom vozilu marke Renault Clio i koje je zadržao nakon što je isto vratio prodavcu, koje posjeduje, što je i učinio, o čemu je sačinjen zapisnik o dobrovoljnoj predaji predmeta, koji je skupa s predmetima dostavljen Kantonalnom sudu u Sarajevu radi deponovanja do donošenja naredbe za vještačenje istih.

Dana 20.12.2017.godine Odjeljenje za saobraćajne istrage je zaprimilo akt KTKS broj T09 0 KT 0098711 16 kojim je naloženo dostavljanje video zapisa sačinjenog na licu mjesta uviđaja saobraćajne nezgode od 08.02.2016.godine od strane policijskog službenika Škrijelj Sefedina. Dana 22.12.2017.godine aktom Sektora uniformisane policije broj 02/1-4-1-04-31-41/16 su u nadležnost Kantonalnog tužilaštva dostavljene dvije službene zabilješke koje se odnose na predmetni zahtjev, sa izjašnjenjem iz kojih razloga navedeni snimak nije dostavljen u ranijem periodu. U vezi naprijed navedenog, dana 26.01.2018.godine postupajući po usmenom zahtjevu tužioca KTKS Kreštalica Seada istom je na uvid odnesen original DVD medij sa snimkom-video zapisom sačinjenim dana 09.02.2016.godine.

Postupajući po naredbi sudije Kantonalnog suda u Sarajevu Todorović Igora broj 09 0 K 025844 16 K od 12.03.2018.godine, a po prethodnom zahtjevu branioca optuženog Seferović Ljube, Karkin Rusmira, od strane policijskih službenika Odjeljenja za kriminalističku tehniku i forenziku izvršeno je presnimavanje predmetnog video zapisa sa originalnog DVD medija. Traženi video zapis je aktom broj 02/1-4-1-04-31-41/16 dana 14.03.2018.godine dostavljen braniocu Karkin Rusmiru.

Kantonalno tužilaštvo je aktom broj A-589/16, od 24.05.2016.godine, zatražilo od Uprave policije stavljanje na raspolaganje operativnog tima istražitelja od kojih je zahtjevan intenzivniji rad na predmetu, Uprava policije je aktom broj 02/PK-1-317-2/15 od 27.05.2016.godine stavilo na raspolaganje operativni tim koji je činilo 22 istražitelja (Mehić Nuriya, rukovodilac tima, Hasanbegović Sanela, Vukša Olga, Grabovica Edin, Konaković Elmedin, Mehmedagić Emir, Šalaka Admir, Imamović Haris, Hodžić Muamer, Saračević-Borčilo Arijana, Saler Dragan, Pindžo Mirsad, Begić Hasan, Hajdar Aida, Eminović Esad, Džubur Mirza Šabanović Osman, Mulić Amer, Duraković Ajdin, Pita Nermin, Borušić Amir i Pleho Adis), koji su pod nadzorom postupajućeg tužitelja poduzimali mjere i radnje na identifikaciji počinioca.

Policijski službenici tima koji je određen (prethodno navedenih 22 policijska službenika), su postupajući pod nadzorom Kantonalnog tužilaštva, identifikovali i dana 30.05.2016.godine lišili slobode lica Seferović Ljubo, sin Bekrije, rođen 01.10.1985.godine u Foči, nastanjen u Sarajevu,

ulica Kamenolom broj 19, opština Ilidža, posjeduje JMBG 0110985131538, mldb. Seferović Jasmin, sin Ljube, rođen 04.08.1999. godine u Sarajevu, nastanjen u Sarajevu u ulici Kamenolom broj 19, opština Ilidža, posjeduje JMBG 0408999170020, koji su istog dana u prostorijama Odjeljenja za kriminalističku tehniku, forenziku i KDZ MUP-a KS, poligrafski testirani, te su isti zbog rezultata testa poligrafskog ispitivanja istog dana lišeni slobode i predati u Odsjek za zadržavanje lica lišenih slobode MUP-a KS.

Dana 31.05.2016.godine, pronađena su i nevjenčana supruga Seferović Ljube, Sejdović Vasvija, kći Ismeta, rođena 01.05.1983. godine u Butimiru Općina Ilidža, nastanjena u Ilidži u ulici Kamenolom broj 16, Općina Ilidža, ima određen JMBG: 0105983176506, kao i otac Seferović Bekrija, sin Mehmeda, rođen 06.03.1970. godine u Foči, nastanjen u Ilidži u Ulici Kamenolom broj 13, ima određen JMBG: 0603970131538, koji su također prostorijama Odjeljenja za kriminalističku tehniku, forenziku i KDZ MUP-a KS, poligrafski testirani. Nakon poligrafskih testiranja, te u obavljanim razgovorima potvrdila se tačnom informacija da je Seferović Ljubo u vrijeme izvršenja krivičnog djela posjedovao kombi marke WV tip T4, zelene boje, koji je sredinom mjeseca februara na području Zenice zamjenio za drugo kombi vozilo iste marke i proizvođača, plave boje. Nakon što su Seferović Ljubi predočeni razlozi privođenja u prostorije MUP-a Kantona Sarajevo te da je isti osumnjičen za izvršenje ovog krivičnog djela, kao i to da policija MUP-a Kantona Sarajevo raspolaze sa saznanjima gdje je isti prodao WV Kombi T 4, Seferović Ljubo je priznao izvršenje krivičnog djela koje je potvrdila i negova supruga, koja je s istim bila u vozilu prilikom izvršenja krivičnog djela.

Istog dana, policijski službenici ovog Ministarstva su na području Općine Zenica pronašli putničko motorno vozilo marke VW tip Transporter T4, zelene boje, reg. oznaka A27-E-928 vlasništvo Bašić Jasmine iz Zenice, koje koristi njen suprug Bašić Rasim, a koje je do sredine mjeseca februara 2016. godine koristio osumnjičeni Seferović Ljubo, nakon čega je isto, uz usmenu naredbu sudije za prethodni postupak Kantonalnog suda u Sarajevu, oduzeto i deponovavano u Autoservisu MUP-a Kantona Sarajevo radi potrebnih vještačenja.

Nakon izvršene kriminalističke obrade lica Seferović Ljubo zbog postojanja osnova sumnje da je počinio krivično djelo Ubojstvo, iz člana 166. KZ FBiH, Sejdović Vasvija zbog postojanja osnova sumnje da je počinila krivično djelo Ubojstvo u pokušaju, iz člana 166. u vezi s članom 28. KZ-a FBiH, Mutap Alise iz Sarajeva i Seferović Bekrija zbog postojanja osnova sumnje da je počinio krivično djelo Spriječavanje dokazivanja, iz člana 349. KZ-a FBiH su uz izvještaj o počinjenim krivičnim djelima predati u nadležnost Kantonalnog Tužilaštva Kantona Sarajevo, dok je mldb. Seferović Jasmin, po usmenoj naredbi postupajućeg tužioca Kantonalnog Tužilaštva Kantona Sarajevo, otpušten iz službenih prostorija MUP-a Kantona Sarajevo.

Nakon predaje osoba lišenih slobode u nadležnost i postupanje Kantonalnom Tužilaštvo Kantona Sarajevo, postupajući tužitelj je naložio da se obustavi dalja provedba posebnih istražnih radnji, koja se prema naredbi Kantonalnog suda u Sarajevu trebela provoditi do 06.06.2016. godine, što je i učinjeno, a izvještaj o provedbi iste je dostavljen Kantonalnom Tužilaštvo Kantona Sarajevo.

U cilju potpunog rasvjetljavanja svih činjenica i okolnosti u vezi s krivičnim djelima Ubojstvo Memić Dženana i Ubojstvo u pokušaju Mutap Alise, Kantonalno Tužilaštvo Kantona Sarajevo je Sektoru krim. policije MUP-a Kantona Sarajevo dana 08.06.2016. godine dostavilo naredbu broj T09 0 KT 0098711 16 od 07.06.2016. godine za rekonstrukciju događaja, koja se obavila dana 13.06.2016. godine s početkom u 23,30 sati.

Po navedenom predmetu komunikacija s postupajućim tužiteljem se odvijala svakodnevno i svi članovi tima su na raspolaganju Tužilaštvo svih 24 sata. Postupajući tužitelj raspolaze i s brojevima mobilnih telefona kako šefa tima, tako i dva istražitelja u timu, s kojima svakodnevno komunicira i koji ga svakodnevno obavještavaju o preduzetim mjerama i radnjama i svim saznanjima relevantnim za predmet, te dogovaraju i predlažu preduzimanje mjera i radnji za koje se ukaže potreba.

Policijски službenici Odsjeka za krvne, seksualne delikte i ratni zločin su postupajući po naredbi tužioca Čato Meris, lišili slobode lica Seferović Ljubo, lišen slobode dana 23.06.2016.godine u 15:16 sati u ulici Branilaca Sarajeva do broja 8, općina Centar, zbog

postojanja osnova sumnje da je počinio krivična djela iz člana 336. stav 2 KZ FBiH (teška krivična djela protiv sigurnosti javnog prometa), u vezi sa članom 332. stav 1 (ugrožavanje javnog prometa) i člana 337. stav 2 KZ FBiH (neukazivanje pomoći osobi povrijeđenoj u saobraćajnoj nezgodi) i Seferović Bekrija, lišen slobode dana 23.06.2016.godine u 16:17 sati u ulici Branilaca Sarajeva do broja 8, općina Centar, zbog postojanja osnova sumnje da je počinio krivično djelo iz člana 349. stav 2 KZ FBiH (sprečavanje dokazivanja), a nakon što im je na osnovu rješenja Kantonalnog suda u Sarajevu ukinuta mjera pritvora, te ponovo predati u nadležnost Kantonalnom tužilaštvu Kantona Sarajevo.

Tokom rada ma predmetu policijski službenici tina su obavješteni od strane postupajućeg tužioca da se Kantonalno tužilaštvo Kantona Sarajevo obratilo Federalnom tužilaštvu sa zahtjevom da se izvrši uvid u predmet i utvrdi da li se istraga u ovom predmtu vodila u okvirima zakona, te je KTKS od strane Federalnog tužilaštva obaviještena da je istraga vođena potpuno zakonito. Također se u ovom predmetu postupalo po apelaciji Memić Muriza broj AP-3950/16 od 01.11.2016.godine, kod Ustavnog suda BiH, koja je odbijena.

U ovom predmetu je Kantonalno tužilaštvo Kantona Sarajevo vodilo istragu protiv više policijskih službenika Uprave policije, te je Uprava policije aktom broj T 09 0 KTPO 0102119 17 od 08.08.2017.godine obaviještena da je u konkretnom slučaju donosena naredba o obustavi istrage jer u radnjama policijskih službenika nisu utvrđeni elementi krivičnog djela.

Skupština Kantona Sarajevo je formirala Ad hoc tijelo koje je utvrdilo propuste policijskih službenika te je po tom osnovu vođena unutrašnja istraga protiv više policijskih službenika od strane Jedinice za profesionalne standarde.

Tužilaštvo BiH se obratilo Upravi policije aktom broj T 20 0 KTA 0014404 17 od 17.05.2018.godine sa zahtjevom za dostavu kompletnog spisa "Memić Dženan", Uprava policije - Sektor kriminalističke policije je kompletan spis dostavio postupajućem tužiocu Čazim Hasanspahić.

Policijski službenici Odsjeka za krvne, seksualne delikte i ratne zločine su na sve pismene zahtjeve postupajućeg tužitelja odgovarali u najkraćem razumnom vremenskom roku, te da su osim rada po konkretnom predmetu, u periodu od 16.02.2016. godine do danas preduzimali i sve potrebne mjere i radnje iz svoje nadležnosti propisane Pravilnikom o unutrašnjoj organizaciji i sistematizaciji MUP-a Kantona Sarajevo, te postupali po naredbama sudova i tužilaštava po drugim predmetima.

Ponovnim preglednom kompletnog spisa nisu uočene činjenice koje bi ukazivale na postupanje policijskih službenika u ovom predmetu koje bi predstavljale kršenje procedura i propisa.

Sarajevo 02.08.2018. godine.